



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Reiffenstuel, Anaklet

Monachii, 1699

§. VIII. De Impedimento Disparitatis Cultûs.

urn:nbn:de:hbz:466:1-40206

tia tūs emitti solita: nam ejusmodi Votum simplex Castitatis, ante legitimam è Societate dimissionem, non solum impedit matrimonium contrahendum, sed etiam dirimit contractum: prout constat ex Bulla Gregorij XIII. Ascendente Domino (& habetur tom. 2. Bullarij Romani, Constit. 59. dicti Pont.) ubi §. 22. omnes ad sic contrahendum inhibiles declarantur, ipsique contractus annullantur. Et merito: nam etiam tales Professi specialiter quoad hoc se posuerunt in potestate Ecclesie.

§. VIII.

De Impedimento Disparitatis Cultūs.

Impedimentum
rum Dispa-
ritatis Cul-
tūs, quod?

Solvitur in-
stantia.]

Alia Cultūs
Disparitas,
quæ est in-
ter C. heli-
cos, & Hæ-
reticos.
Hæc impe-
dit matri-
monium.

78. **P**er Impedimentum Disparitatis Cultūs, seu Disparis Cultūs, aliud non intelligitur, quam illud, quod oritur ex disparitate in Fide: qualis Disparitas in Cultu, seu Fide, datur inter eas personas, quarum una est fidelis seu baptizata, altera vero infidelis & non baptizata. Et talis Cultūs Disparitas est impedimentum dirimens matrimonij, ita ut defacto persona fidelis cum infideli validè contrahere non possit.

79. Nec obstat, quod S. Monica nupserit Patritio cuidam gentili, & S. Clotildis Clodoveo Francorum Regi adhuc gentili. Resp. enim, idtunc validè factum, eò quod vel illo tempore needum ab Ecclesia fuerint annullata & irritata talia matrimonia, quæ fuerunt contracta inter fidelem & infidelem; vel certè ob rationabilem causam tunc praeditæ personæ obtinuerint legitimam dispensationem. Siquidem hanc Cultūs Disparitatem solo Jure Ecclesiastico irritare matrimonium, eò quod Ecclesia illegitima verit Fidelem respectu Infidelis, notat Scotus 4. Dist. 39. §. *Defsecundo*, estque communis.

80. Præter hanc Cultūs Disparitatem, quæ intercedit inter Fidelem ac Infidelem, datur adhuc alias Dispar Cultus, qui reputatur inter eas personas, quarum utraque est baptizata, una tamen est Catholica, altero vero hæretica, vel apostata à Fide: nam etiam tales personæ habent disparem cultum; sed Fidem. Ceterum hæc Fidei, seu Cultūs Disparitas non dirimit matrimonium, quamvis illud contrahendum impedit: ac proinde persona Catholica validè quidem potest contrahere matrimonium cum hæretica, non tamen licite; tum talia matrimonia prohibeantur c. *Cave. &c. Non oportet.* 28. q. 1. Sanchez lib. 7. disp. 72. cum communi.

81. Ex:

81. Excipe tamen cum eodem Sanchez loca illa, in quibus Hæretici cum Catholicis permixti vivunt, ut in Germania, Galatia, Polonia: in his enim ex consuetudine receptâ, & toleratâ, licent conjugia personæ Catholicæ cum hæretica, dummodò Catholicæ libere, & absque subversionis periculo, permittatur in Fide permanere.

82. Pacta verò, quæ quandoque in talibus conjugijs ineuntur, ut quidam ex liberis nascituris Catholicæ Fidei, alij verò hæresi adhæreant, sunt prorsus impia & irrita: cùm pugnent contra Jus naturale, & Divinum, quo tenentur parentes prolem in vera Fide educare, eique media ad salutem consequendam necessaria subministrare.

83. Quia insuper ex matrimonij Catholicorum cum Hæreticis communiter majora eveniunt mala, quam bona, utputat à ea matrimoniis Legum Ecclesiasticarum; rixæ, & dissensiones inter ipsos met conjuges; periculum manifestum perversionis liberorum nascitorum, ac hujusmodi. Hinc præter Ritualia Diocesana, strictè circa hoc observanda, meritò notant Doctores, Parochis esse attendendum, ut, quoad possint, se se opponant talibus conjugijs, neque ipsis assistant, nisi ineantur ex justa causa, & sine morali periculo subversionis: nunquam autem ijs, quorum Sponsi paciscuntur de parte liberorum educanda in hæresi: ne quoquo modo videantur consentire in pacta illicita, Jurique naturali ac Divino de legitima prolium educatione, atque instructione in vera Fide, repugnantia. Gobat tract. 9. Theol. Experim. n. 220. & alij.

§. IX.

De Impedimento Criminis.

84. **P**er Impedimentū Criminis, intelligitur Impedimentum dirimenti matrimonij, quod ex aliquo gravi crimine ortum habet. Et quidem spectato Jure communij antiquo (nam Concilium Trident. Sess. 24. de Ref. matr. cap. 6. addidit Impedimentum ex Raptu proveniens) duplex est hujusmodi crimen, videlicet Machinatio in mortem conjugis, & Adulterium: quamvis hæc non semper dirimant matrimonium, sed in sequentibus duntaxat casibus.

D d d d d d ;

85. Ita-